

SLUŽBA ZA MEĐUNARODNU SARADNJU
Izvještaj o radu za period od oktobra 2010. godine do oktobra 2011. godine

U svrhu boljeg predstavljanja programa razmjene svim zainteresovanim, kao i povećanjem broja prijava sa Univerziteta u Sarajevu, Služba za međunarodnu saradnju Univerziteta u Sarajevu organizovala je niz promotivnih aktivnosti. Kroz info dane i promotivne materijale, na dostojanstven način predstavljen je naš Univerzitet kao jaka i vodeća institucija u regionu.

Univerzitet u Sarajevu je ravnopravni partner u većem broju programa mobilnosti, koji podrazumjeva razmjenu studenata, nastavnika i saradnika između zemalja članica Evropske unije i zemalja Zapadnog Balkana. Jedan od programa je i ERASMUS MUNDUS 2, u okviru kojeg je učestvovao u projektima mobilnosti: JoinEU-SEE, BASIELUS i EM2STEM u akademskoj 2010/2012. godini.

ERASMUS MUNDUS 2

Univerzitet u Sarajevu učestvuje u programu Erasmus Mundus kroz 3 projekta mobilnosti: BASIELUS, JoinEU-SEE i EM2STEM. Ciljevi ovih projekata je jačanje akademske, kulturne, političke, i ekonomske saradnje između zemalja članica Evropske unije i zemalja Zapadnog Balkana, jačanje kapaciteta međunarodne saradnje univerziteta zemalja Zapadnog Balkana, razmjenjujući iskustva i znanja u organizaciji programa mobilnosti za studente, nastavnike i saradnike s ciljem studiranja, zajedničkog izvođenja nastave, obuke, istraživanja, i prenosa 'know-how' i inovacija, te jačanje akademskih, jezičkih kao i društvenih i interkulturnih kompetencija studenata, nastavnika i saradnika.

BASILEUS

Univerzitet u Sarajevu je 2010/2011 godine ostvario pravo učešća u projektu iz programskog paketa Evropske komisije Erasmus Mundus 2. Univerziteti na kojima se realizuje studijski boravak su:

1. Ghent univerzitet, Belgija (koordinator)
2. Univerzitet Sophia Antipolis u Nici, Francuska
3. Lund univerzitet, Švedska
4. Univerzitet La Sapienza u Rimu, Italija
5. Univerzitet u Ljubljani, Slovenija
6. Univerzitet Sv. Kliment Ohridski u Sofiji, Bugarska
7. Institut za tehnološko obrazovanje „Alexander“ u Solunu, Grčka
8. Univerzitet u Hajdelbergu, Njemačka

JoinEU-SEE

Univerzitet u Sarajevu je u akademskoj 2010/2011. godini ostvario pravo učešća u još jednom projektu iz programskog paketa Evropske komisije Erasmus Mundus 2 – JoinEu-SEE. Univerziteti na kojima se realizuju studijski boravci su:

1. Univerzitet u Gracu, Austrija (koordinator)
2. Univerzitet u Luvenu, Belgija
3. Masaryk univerzitet, Češka Republika
4. Univerzitet u Bolonji, Italija
5. Univerzitet u Granadi, Španija
6. Univerzitet u Groningenu, Holandija

7. Univerzitet Latvije, Riga, Latvija
8. Univerzitet u Mariboru, Slovenija
9. Vilnius univerzitet, Litvanija
10. Univerzitet u Turkuu, Finska

EM2STEM

Naredni projekat mobilnosti također dolazi iz programskog paketa Evropske komisije Erasmus Mundus 2, pokrenut 2010. godine u kojem i naš Univerzitet učestvuje. Univerziteti na kojima se realizuju studijski boravci su:

1. City univerzitet u Londonu, Velika Britanija (koordinator)
2. Tehnološki univerzitet u Lappeenranti, Finska
3. Freie univerzitet u Berlinu, Njemačka
4. Limerick univerzitet, Irska
5. Univerzitet u Varšavi, Poljska
6. Tehnološki univerzitet u Wroclawu, Poljska
7. Univerzitet u Bukureštu, Rumunija
8. Tehnički univerzitet Cluj-Napoca, Rumunija

Univerzitet u Sarajevu je postao partner univerzitet u još dva projekta mobilnosti programa ERASMUS MUNDUS 2: ERAWEB i EUROWEB čija će se promotivna akcija, kao i mobilnost realizirati u akademskoj 2011/2012. godini.

ERAWEB

Ovim projektom će se značajno povećati broj stipendija za mobilnost studenata, nastavnika i saradnika u zemlje članice Evropske unije u oblasti medicinskih nauka. Univerziteti na kojima će se realizirati studijski boravci su:

1. Holandski institut za zdravstvene studije u Roterdamu, Holandija (koordinator)
2. Univerzitet za zdravstvene studije i medicinsku informatiku, Hal, Austrija
3. Univerzitet Ludwig-Maximilian, Minhen, Njemačka
4. Katolički univerzitet svetog srca, Milano, Italija
5. Univerzitet u Torinu, Italija

EUROWEB

ovim projektom će se značajno povećati broj stipendija za mobilnost studenata, nastavnika i saradnika u zemlje članice Evropske unije u oblastima tehničkih nauka.

1. Univerzitet Malardalen, Västeras, Švedska (koordinator)
2. Univerzitet u Paderbornu, Njemačka
3. Univerzitet Vrije u Amsterdamu, Holandija
4. Univerzitet u Vestminsteru, Velika Britanija
5. Politehnički univerzitet u Bukureštu, Rumunija
6. Univerzitet Balearskih otočja, Španija
7. Univerzitet „Sv. Kliment Ohridski” u Sofiji, Bugarska
8. Univerzitet L'Aquila, Italija
9. Univerzitet Åbo akademija, Turku, Finska

Info dani

Služba za međunarodnu saradnju je organizovala prvi info dan 11. novembra 2011. godine s ciljem promoviranja ovih projekata gdje je predstavljen pojam mobilnosti, čemu mobilnost doprinosi, kao i sredstva (projekte) sa kojima se akademska mobilnost može ostvariti. Uslijedili su info dani – prezentacije projekata mobilnosti ERASMUS MUNDUS 2, CEEPUS, S4WB.eu na fakultetima i akademijama univerziteta u Sarajevu s ciljem veće promocije među studentima, nastavnicima i saradnicima, kao i povećanja prijave iz Sarajeva i iz Bosne i Hercegovine.

U saradnji sa ambasadama i centrima za promociju mobilnosti, uspješno smo organizovali info dane sa partnerima: Svjetska Banka, Transparency International, te ambasade Japana, Sjedinjenih Američkih Država i Njemačke.

Drugi Sajam stipendija 2011

Kako bi se na što bolji način promovirala važnost stipendija za otvaranje i povećanje pristupa visokom obrazovanju, u Sarajevu je organizovan *Drugi sajam stipendija 2011*. Prethodne godine je spomenuti sajam predstavljen prvi put u Bosni i Hercegovini i odmah stekao status događaja koji promiče širenje i podsticanje mobilnosti studenata, nastavnika, saradnika i svih ostalih kako u Bosni i Hercegovini, tako i izvan nje.

Drugi sajam stipendija 2011 je organizirao Univerzitet u Sarajevu u saradnji sa Fondacijom kralja Baudouina, Mašinskim fakultetom i Studentskim parlamentom Univerziteta u Sarajevu.

Na Mašinskom fakultetu Univerziteta u Sarajevu (Vilsonovo šetalište 9) je 9. aprila 2011. godine, u vremenu od 10,00 do 17,00 sati, održan *Drugi sajam stipendija 2011* na kojem su učestvovalе institucije koje su predstavile različite oblike finansijske podrške (stipendije, jednokratnu finansijsku podršku, kredite, zajmove itd.) bh. građanima za studij u Bosni i Hercegovini i inozemstvu (vladine i nevladine organizacije, diplomatsko-konzularna predstavništva, centri civilnih inicijativa, lokalne zajednice, strane institucije, kulturni centri i dr.).

Glavni cilj *Drugog sajma stipendija 2011* je promoviranje važnosti stipendija za otvaranje i povećanje pristupa visokom obrazovanju. Stipendije imaju ključnu ulogu u uklanjanju finansijskih prepreka pristupu visokom obrazovanju, te izravno utječu na povećanje broja visokoobrazovanih osoba koje će doprinostiti daljnjem ekonomskom razvoju Bosne i Hercegovine, te stvaranju društva utemeljenog na znanju.

Sajam knjiga i učila 2011

Na tradicionalnom Sajmu knjiga koji se održava u Sarajevu, Univerzitet u Sarajevu je predstavio svoje fakultete i akademije za buduće bruce, a Služba za međunarodnu saradnju je predstavila projekte mobilnosti sa mogućnosti razmjene sa partnerskim EU univerzitetima.

Sarajevo Business forum 2011

Univerzitet u Sarajevu je učestvovao na međunarodnom *Sarajevu Business forumu* organizovanom u Holiday Inn hotelu s ciljem promoviranja privrednih mogućnosti Bosne i Hercegovine. Kroz predstavljanje fakulteta i akademija, Univerzitet je predstavljen i kroz promotivne materijale i aktivnosti Službe za međunarodnu saradnju, prvenstveno odnoseći se na projekte akademske razmjene.

Career StartUp Day

Naša služba je učestvovala na *Career StartUp day* - Sajmu Ekonomskog fakulteta u Sarajevu, na kojem su prezentirane mogućnosti za daljnje napredovanje studenata završnih godina, praksu ili rad. S ciljem podsticanja nastavka obrazovanja, nakon završenog prvog ciklusa studija, Služba za međunarodnu saradnju je predstavila projekte mobilnosti Erasmus Mundus 2 i web stranicu S4WB.eu.

Promotivni materijali

U svrhu boljeg promovisanja mobilnosti, naša služba je izradila nekoliko promotivnih materijala koji su distribuirani kroz različite vidove komunikacija sa studentima, nastavnicima i saradnicima. Promotivni materijali uključuju:

- Priručnik za mobilnost (na bosanskom jeziku)
- Vodič kroz studijske programe (dvojezično – bosanski i engleski)
- Vodič za strane studente (na engleskom jeziku)
- Vodič kroz Drugi sajam stipendija (dvojezično – bosanski i engleski)
- Promotivni projekti o radu Službe za međunarodnu saradnju (dvojezično – bosanski i engleski)
- Vodiči za mobilnost za studente (razmjena i degree) i za osoblje (engleski jezik)
- Iskustva – promotivni materijal sa iskustvima bivših stipendista projekata mobilnosti (bosanski jezik)
- Vodič kroz orijentacijski program za ERASMUS MUNDUS stipendiste (na bosanskom jeziku)

Orijentacijski programi

Nakon što su konkursi završeni, i odluke o izabranim stipendistima donešene, organizovali smo sastanak sa studentima Univerziteta u Sarajevu – stipendistima programa ERASMUS MUNDUS 2, s ciljem boljeg upoznavanja za programom, uslovima kao i aktivnostima koje trebaju izvršiti prije polaska u zemlju u kojoj će provesti određeni period mobilnosti.

Također, u cilju dobrodošlice, organizovali smo orijentacijski program za strane studente na Univerzitetu u Sarajevu, gdje smo pored sastanka sa upoznavanjem rada i djelovanja Univerziteta, organizovali i izlete u Hercegovinu s ciljem turističke promocije naše zemlje. Pored ovog, omogućili smo i korištenje Olimpijskog bazena „Otoka“ kao i filmsku projekciju po želji u multipleksu Cinema City u Sarajevu.